

Hong Kong School Drama Festival 2009/10  
Synopsis & Script of School Play with "Adjudicators' Award"

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

**Name of School** : NEW ASIA MIDDLE SCHOOL

學校名稱 : 新亞中學

**Name of Play 劇名** : 童路

**Script writer 劇作者** : 廖英傑

For adaptation works, please specify: 如屬改編劇本請填寫：

**Name of Original Work 原著作品名稱** : \_\_\_\_\_

**Original Author 原作者姓名** : \_\_\_\_\_

**Name of Adaptor 改編者姓名** : \_\_\_\_\_

**Synopsis 故事大綱:**

三個來自不同家庭背景的中學生,發明星夢的吳英俊希望一蹴而就,成為巨星,家境富裕的李寶寶對任何事都提不起興趣,領綜援的巫仁禮無心向學,是他/她們的錯?社會的錯,還是父母的錯呢?

**Script 劇本:**

(燈亮)

(台上三張學生桌椅面向觀眾, 文偉, 嘉儀, 阿輝坐著作上課狀)

(漸漸三人睡著, 以不同坐姿入睡)

(燈轉)

VO: 早晨呀!

(文偉先醒來, 立即彈起身)

文偉: (慌張)張 sir 對唔住! 唔好罰留堂呀! 今晚要約左朋友打機呀唔可以甩底架! 唔係, 即係我既意思係呢...唔...今晚好多好重要既事嗰... 咁張 sir 你都要返屋企交人架嘛...(抬頭, 離開座位, 似見到張 sir 並沒有聽見他一樣)

VO: 拿, 文偉, 好老實咁講, 張 sir 以後都罰唔到你留堂架啦!

文偉: 嘩! 我突然覺得世界係有佢美好既一面架!

VO: 以後唔使交功課...

文偉: 嘩! 人生最美好既事!!

VO: 以後都唔使返學添~

文偉: 噢! 我終於發生人生係有色彩架!

VO: 不過你都無得再打機啦!

文偉: 嘩! 我突然覺得...咪住! 你話乜野話?! 無得打機?! 點解呀?!

VO: 你都死左囉, 打乜野機者~

文偉: 死左?! 你講呀! 依度咪又係課室! 你嚇我呀?!..... 我... 我唔鬼驚你架! 天靈靈... 地靈靈.....

(文偉走向台前, 餘下兩人轉醒, 站起)

嘉儀: 張 sir 對唔住... 不過因為你真係好悶...即係... 我唔係咁既意思... 我... (惶恐)

阿輝: 得, 阿 sir 我地識做架啦! (拉著嘉儀走向 upstage, 罰企)

Hong Kong School Drama Festival 2009/10  
Synopsis & Script of School Play with "Adjudicators' Award"

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

VO: 你唔覺其他人好似見你唔到咁架咩?

文偉: 我唔信!! (走近阿輝) 阿輝!! (阿輝無視文偉) 喂!! 一陣黎我屋企打機啦! 我屋企買左部 96 吋大電視, 打 wii 一流, 加埋部 hi-fi, d 音響正過戲院, ! 睇死你個窮鬼都未見過架啦,.. 哈哈...(回頭再看希望, 輝仍然沒有反應) 嘉儀! 你都過埋黎啦~ 見係今次 JA, 平時你想入黎我屋企都難呀! (儀亦無反應)

文偉: 喂, 你地係咪要夾埋玩我先?!

VO: 你仍然唔信呀?

文偉: (自言自語) 唔係咁邪呀...(對觀眾) 咁你係邊個呀? 你點解又聽到我講野呀? 同埋, 我點解會死左架?

VO: 你地 d 人類真係奇怪, 幾十萬年黎總係鍾意問問題, 永遠都係想人地答你地, 永遠都唔會自己諗答案!!

文偉: 你係邊個!?! 你係邊度!?! ...(自言自語) 幻覺黎架者, 你哋我唔到既! 唔通你可以變走太陽月亮, 唔通你可以令朝早變夜晚咩?!

VO: 好呀, 熄燈呀唔該!

(燈滅, 儀及輝下)

文偉: (驚慌)呀!!! 唔好呀!!! 求下你!! 唔好!!! 我信啦我信啦我信啦...(四處亂跑, 作求情狀)

(燈亮, 希望站在偉旁, 偉倒在地上攬著希望的腳)

希望: 怕黑就唔好叫人熄燈啦!!

文偉: 嘩!! 你係邊個!! 你點解係度!! 你做乜失驚無神企係我隔離架?!

希望: 又係你問, 你係邊個, 你係邊度既, 咁我咪出黎同你見個面囉, 反正都要同你搞埋 d 手續, 帶你去擺籌排期架啦...

文偉: 擺乜野籌, 排乜野期呢?

希望: 排期等見老闆囉. 黃文偉, 你雖然得十幾歲, 而且終日剩係識吃喝玩樂... 不過睇怕都會幾悶, 嚴格黎講你連吃喝玩樂都無...剩係識食 d 垃圾食物, 剩係識對住遊戲機...你唔識食, 唔識飲, 唔識玩, 更加唔知乜野係樂!

文偉: 你又知, 你日日望住我呀?!

希望: 由你一出世就已經係我跟你依個 case 架啦, 我日日對住你, 你每日做過 d 乜諗過 d 乜我都有記低晒係本行事歷度. 例如你第一次鍾意果個女仔係 Clara, 果陣你十三歲...

文偉: 得, 唔好再講啦!

希望: 你果時特登寫左封情信, 諗住放學偷偷地放入佢書包, 但最後湊底無放到, 而家封情信係你床下底!

文偉: 你唔好話比我知, 你偷偷地咁睇過封信呀?

希望: 你寫果陣我企係你後面... 我無偷偷地架..... 不過你 d 中文真係差左 d... 錯別字又多, d 成語又用到錯晒...我果時諗, 你唔係覺得 Clara 會睇到明呀? 好在最後你無比佢...

文偉: 夠啦!! 依 d... 往事如... 乜野水, 乜野流啦, 唔使再提架啦!

希望: 哈哈! 你依十年黎到底係點讀書架?

文偉: 乜野點讀書呀? 我唔使讀書既! 我老豆份身家我食多三世都食唔完啦! 而且我又咁有天份, 又唱得又演得, 等畢業出黎即刻有人簽我做明星啦, 剩係要諗下去荷里活定係日本發展者~

Hong Kong School Drama Festival 2009/10  
Synopsis & Script of School Play with “Adjudicators’ Award”

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

希望: 你真係咁覺得?

文偉: 乜野覺得呀, 直情係一定得添啦!

希望: 好呀, 你試下~ (推偉, 燈轉, 經理人入)

經理人: 你好! 好高興見到你! 聽陳先生講, 你係一位好有天份既演員, 我地公司最近幫荷里活一個片商搵緊一個華藉演員, 希望你有興趣啦!

(偉望一望希望, 希望視意偉坐)

經理人: 依度係部份既劇本, 你可唔可以讀比我聽呀?

文偉: (拿起劇本) 英文?!

經理人: 哦, 係呀, 係一個英文劇本, 你無問題嗎?

文偉: 我... 我試下啦...(自言自語)英文啫, 我無問題既!! (凝望劇本)依個字點讀呀?

經理人: (靠近) 哦, 一定係我印得太細仔字啦, 依句係: On life's earnest battle they only prevail, who daily march and never say fail.

文偉: (沉默良久, 用不純熟的英語嘗試讀出) On life's earnest battle they only prevail, who daily march and never say fail.

經理人: (沉默) 你試下依句 (指劇本)

文偉: 我..... 我睇唔到... 嘿嘿...

經理人: 咁... 你試下用英文介紹下自己啦...

文偉: i...I is a boy... I like mcdondon... I like 可口可樂... I like play wii.....

經理人: (打斷) 好啦, 好高興今日同你見面, 我地遲 d 再聯絡啦! (起身, 下)

文偉: 喂... 我... 我未講完!!

(燈轉)

希望: 算啦, 走左啦.....

文偉: 喂, 你係咪玩野呀? 我要做明星, 做乜要讀英文架?

希望: 又係你話要去荷里活既, 咁梗係要英文啦! 我無叫個日本人黎咪算好囉, 你 d 日文識得果兩三句!! 唔係 hohiyo(躬身)就係奸爸爸, 重有果幾句唔出得街既... 唉! 你要做去外國做名星, 你都起碼要識人地既語言先得架!

文偉: 你... 咁我留係度做囉, 用廣東話!~ 憑我精湛既演技, 細膩既情感, 一定可以感動到人既!

希望: 好呀, 又試下呀~ (推偉, 燈轉)

(導演, 女演員上)

導演: 依場戲講你地兩個一齊放學, 中途男生想向女生表白, 但係女生有心上人所以放棄左, 有無問題?

(偉望希望, 希望示意他嘗試)

導演: 無問題就埋位(二人埋位) roll 機! Action!

女: 嘩! 個天好黑呀, 好似就快落雨咁...

偉: 係呀... 就快落雨啦... (一邊傻笑)

女: 如果...

偉: 如果? (繼續傻笑)

導: cut!!! 男主角, 你做乜係度傻笑呀? 你可唔可以情深一 d 呀?

Hong Kong School Drama Festival 2009/10  
Synopsis & Script of School Play with "Adjudicators' Award"

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

偉: 哦, 我想試下用一個誠懇 d 既 chooes 嘛, 轉另一個 choose 囉! 無問題! Gap 錯左者!~

導: take 2 埋位, roll 機! Action!

女: 嘩! 個天好黑呀, 好似就快落雨咁...

偉: (作深情狀, 古典腔)係呀... 就快落雨啦...

女: 如果...

偉: 如果?

女: 都係無野啦, 講你都係唔會明...

偉: 我明架! 緣份, 從來都係如此奇妙! 噢, 而愛情, 總係如此令人意想不到!...(唱) 若問我愛你有多深 我愛你有幾分.....

導: cut! 男主角! 你做緊歌劇呀? 定係以前 d 文藝片呀?

偉: 我諗住咁樣會型 d 嘛! 得得得, 再試多個!

導: take 3 埋位, roll 機, action!

女: 嘩! 個天好黑呀, 好似就快落雨咁...

偉: yo! 係呀!就快落雨啦!

女: 如果...

偉: yo! 如果?

女: 都係無野啦, 講你都係唔會明...

偉: yo!我明架!...

導: cut! 你 yo 乜野呀句句都 yo yo yo!

偉: 我諗住咁樣浪子 d 嘛...

導: 唔拍啦! 收隊, 再係用依條友拍既, 我唔做啦! 痴線既, 都唔知識唔識做戲既!(邊罵邊下)  
(女亦下, 燈轉)

偉: 喂, 我都試左三個 choose 啦, 有乜野問題先?

希望: 你又問我問題? 你地點解咁鍾意要人地解答你地既問題, 而唔係自己去諗下答案呢??

偉: 咁係呀嘛! 我做左架, 你唔鍾意係你唔識欣賞者!

希望: 你真係咁覺得? 你諗下 clara...

偉: 做乜又提佢!!!!

希望: 唔係, 我叫你諗下你果次你想比封信 clara 果時, 你果時既心情係點? 你果日放學同佢傾計, 你係點講野既?

偉: 我...

希望: 戲, 唔係做出黎既! 戲係要由心入面發出黎既...

偉: 嘩, 你講到咁深既...你又識做戲?

希望: 好話啦, 我上一個跟既 case 就係史生啦...

偉: 乜水黎架?

希望: 講你都唔識架啦, 你讀得書太少啦! 對你黎講, 除左上堂悶悶地畫下公仔, 同埋罰抄果時, 書根本就無用!

偉: (沉默片刻) 又唔好咁講, 我都有靠本書遮住我上堂釣魚既...

希望: (無奈)你無得救架啦.....

偉: 得啦得啦... 我明你想講乜! 但係我點解要讀書先~ 反正我就算乜都唔得, 我老豆副身家都夠我過

Hong Kong School Drama Festival 2009/10  
Synopsis & Script of School Play with "Adjudicators' Award"

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

世架啦~ 使乜咁希望力啱!

(希望沉默)

偉: 做乜唔出聲呀?

希望: 我帶你去一個地方啦... (一邊向台的另一邊走去)

偉: 喂, 我唔去...(希望拍一下手, 偉身體不由自主地跟著希望)

(二人下)

(燈滅)

(燈亮,管家及傭人在台中, 偉及希望在一旁觀看)

管家: (向後台)老爺, 太太... 再見啦! 你地保重呀! (作揮手狀)(轉向傭人)唉... 都估唔到會搞成咁...

傭人: 唉, 世事既野邊估得到咁多... 一場乜野危機乜野海嘯, 幾個月之間乜都無晒... 公司清盤, 而家重搞到破產連樓都要比人收埋... 唉...

管家: 唉, 早兩年老爺幾威呀, 係酒店度擺大壽開成百幾圍, 又魚翅又鮑魚... 老爺又愈黎愈老啦... 睇怕今次都翻唔到身啦... 我真係擔心佢...

傭人: 擔心佢之前都係擔心我地自己啦, 而家咁既環境我地都唔知點算...

管家: 唔... 見步行步啦...

(二人下)

(燈轉)

偉: 依個... 係將來?

(希望默默點頭)

偉: 點解? 點解會咁架?!

希望: 點解? 點解你地從來都唔自己諗點解? (嘆息)

偉: 我...我點知點解啫...

希望: (拉著偉站到台唇) 你望出去, 見到 d 乜野呀?

偉: 乜都見唔到... 黑媽媽咁...

希望: 講大話! 你明明見到一大班人坐左係度, 係咪?

偉: 下... 係掛... 你講講下... 我又好似 feel 到一道道火辣辣既目光望住我咁... 搞到我鬼咁尷尬添...

希望: 佢地根本一直都係度, 只係你由始至終都當佢地唔存在者...係呢, 你發唔發覺佢地有一個共通點呀?

偉: er... 佢地都覺得我好靚仔, 所以一直望住我!

希望: 有自信係好事, 但自信唔等如自大, 有需要既入面有鏡, 你可以入去照下...

偉: 你!!

希望: (打斷, 遙指觀眾) 佢地既共通點係... 佢地都只係望住我地依個方向... 人類好奇怪, 佢地剩係望住眼前其中一點, 佢地唔會理會身邊既人, 唔會打算望下後面, 佢地唔會望見焦點外面既其他事物... 當依 d 事物比各樣既牆遮住, 佢地就當依 d 野唔存在, 好似明明牆角有甲由, 佢地睇唔當就當無事... 直到果 d 事發展到佢地唔留意唔得, 佢地先會偶然望一眼... 但通常果時已經太遲...

偉: 你既意思係?

Hong Kong School Drama Festival 2009/10  
Synopsis & Script of School Play with “Adjudicators’ Award”

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

希望: 你地太自我中心, 亦太過自大啦... 依個世界有好多野唔到你地控制, 但你地往往以為已經掌握一切. 你地講每一句說話, 下一個決定之前, 到底有無諗清楚你地做緊 d 乜, 會有乜野後果架?

(偉陷入沉思)

希望: 我地返去啦...

偉: 喂, 等陣...(希望拍一下手, 偉不由自主地跟著)

(兩人下)

(燈亮, 二人返回課室, 儀及輝坐著)

VO(張 sir): 各位同學, 學校岩岩收到阿偉既家人通知, 阿偉因為急病, 尋晚深夜過左身...

儀&輝: 乜野話?! (輝伏桌大哭)

VO(張 sir): (忍著傷痛) 同學們, 希望大家唔好咁傷心, 阿偉都唔想我地太難過...(忍耐不住, 抽泣) 我地大家都好錫阿偉...我地.....

輝: (對儀)點解會咁架!! 佢尋日重好地地!!

儀: 阿輝... 唔好咁啦...

輝: 唔會架! 我地早幾日重約左去打機!(伏桌抽泣)

儀: 阿輝.....

偉: 喂!! 喂!!! 我係度呀!! 我係死左, 但係死左無乜野架 ja! 你睇下, 我咪同以前一樣咁靚仔!!

輝: 唔會架... 你快 d 出黎叫我呀!! 你點會捨得我地依 d 朋友仔自己走左去架!! 你係我好朋友黎架...

VO(張 sir): 阿輝... 你冷靜 d... 嘉儀, 你幫我手扶佢去醫療室休息下先啦...

(二人下)

(偉衝向出口, 被希望拉回, 偉想說話, 希望拍一下手, 偉不能說話, 希望帶著偉, 指東指西, 似叫他看很多東西)

(燈轉, 燈光由台左慢慢移向台右)

(偉坐著, 希望在一邊踱步)

(希望再拍一下手)

希望: 點呀?

偉: 以後既日子都會係咁呀?

希望: 唔? 你講乜呀?

偉: 我話, 死左之後, 以後日子都係咁樣過呀? 即係呢, 你望到佢地, 但佢地睇唔到你咁呀?

希望: 唔... 直到排隊見到老闆之前都會係咁架啦~

偉: 我覺得... 而家咁樣反而見到好多之前見唔到既野...

希望: 例如呢?

偉: 例如... 我從來都無留意過, 原來係課室睇日落係咁靚... 雖然我成日比人罰留堂都見到日落... 但係一直以黎都只係諗住要早 d 走, 要早 d 返去打機... 從來都無好似而家咁, 靜靜地睇日落...

希望: 唔...

偉: 重有, 我從來都無見過阿輝喊架... 我成日都串佢, 話佢窮... 估唔到佢原來當我係佢既好朋友黎... 我一直都覺得自己無乜朋友既... 估唔到岩岩張 sir 同佢地講我死左果時, 佢地個個都喊... 至於張 sir ... 我以為佢好憎我... 因為我上親佢堂都訓教, 又唔交佢 d 功課... 點知佢都喊...

希望: 唔... 你終於都知道啦...

Hong Kong School Drama Festival 2009/10  
Synopsis & Script of School Play with "Adjudicators' Award"

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

偉: 重有重有... 原來依幾年黎既早餐一直都係媽媽親手煮既... 我重成日以爲係 marria 煮架 ja... 爸爸... 我出世到而家都未見過佢喊架.....

希望: (走近安慰) 唔好咁啦... 死亡, 都係人生既一個過程者... 最重要既係你終於見到依 d 你平時見唔到既野啦!

偉: 而家先見到有乜野用呀? 我都死左啦...

希望: 人生, 好似一場野外定向比賽, 有好多個 check point 設計左比你地, 經過晒依 d 點, 然後你就會搵到你既目的地. 但係你地成日都左望右望, 見條上山既路難行 d, 就揀條易行既平路, 殊不知 check point 其實係山頂, 你上到山頂就望到下一個 check point 係邊, 之後既路就易行得多啦. 有時望住路邊朵花靚 d, 你就企係度望望望, 但係野外定向係計時架, 你地永遠唔知道自己重有幾多時間去終點...

偉: 去到終點又點? 咪又係要死!

希望: 蠢材! 死亡係你地必經既階段, 但係你睇下, 有 d 人佢地可以笑住咁走, 佢地可以問心無愧, 時間雖然好短, 但佢地無浪費到! 你呢? 你可唔可以問心無愧咁走呀?

(偉沉默)

偉: 都無用啦... 依場比賽已經完左啦... 如果可以再開始過, 咁就好啦...

希望: 如果再開始過, 你就會好好地咁過你既人生?

偉: 點解唔會? 打機打輸左你都想 continue 黎過啦!

希望: 哈哈哈哈哈! 好, 我比你 continue 一次!

偉: 乜話? 真係有得 con 機架?!

希望: 點解唔得? 依個世界無野係一定唔得架! 我老闆成日都話, 犯錯唔緊要, 最緊要肯認肯改! 我地依度有一個規矩, 只要你講得出你做錯過 d 乜野, 你打算點改, 我地可以比一次機會你由頭黎過!

偉: 咁筭?!

希望: 不過如果機只可以 con 一次, 再輸多次, 黎接你果個就唔係我啦.....(指指下方, 聳聳肩)

偉: 咁.....

希望: 你自己決定啦~

偉: 好! 我知我做錯 d 乜! 我懶, 我返去之後會認認真真咁生活, 我唔會再浪費我既光陰; 我無珍惜身邊既親人, 朋友, 我從來都無爲佢地付出過 d 乜...我會好好咁對佢地, 我唔會再要佢地爲我擔心!

希望: 唔... 既然係咁... 你要努力呀, 我會繼續保護你...

偉: 咪住, 你叫乜野名呀?

希望: 你記住啦, 我個名, 叫希望. (拍一下手, 偉陷入沉睡)

(燈滅)

偉: 喂! 喂! 你係邊呀, 點解咁黑既?! 喂!!

(燈亮)

(偉伏在桌上正在睡覺, 輝及儀正在留心上課)

VO(張 SIR): 黃文偉! 你同我企起身!

偉: (醒) 張 SIR!

VO(張 SIR): 上堂訓教已經唔岩, 重要訓到發開口夢係度大叫! 嘈住其他同學上堂! 你今日同我留堂,

Hong Kong School Drama Festival 2009/10  
Synopsis & Script of School Play with “Adjudicators’ Award”

二零零九至二零一零年度香港學校戲劇節  
「評判推介演出獎」得獎學校劇目資料



**IMPORTANT NOTE 重要告示:**

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

做返晒欠我果 D 功課先好走!

偉: 係係係! 你趕我都唔走啦~

VO(張 SIR): 你咁好口, 實無好野啦, 同我去後面罰企, 落堂問書, 唔識同我抄十次課文!

偉: 好好好!

(偉一邊走向後, 經過輝身邊時, 突然攬著輝)

偉: 阿輝! 我真係好掛住你!! 你實在係我既好好好好好朋友!!!!(在其背後大力拍幾下)

VO(張 SIR): 你做乜野呀!

(燈滅)

END